



Minggu, 22 Agustus 2021

Ogen: "Perngandungen 3:31-33"



"Labo Lalap ItulakNa"



Pernah nge kam itulak? Pernah nge kam la iergaken? Pernah nge kam ikecewaken? Erbage-bage si la bagi ukurta terkadang erbanca kita la dame. Kitab Perngandungen si nggo si oge, mabai sada tambar i bas kita ngejapken kerna penulaken, la iergaken ras ikecewaken. Amin gia kita itulak manusia bas doni enda, Tuhan la pernah nulak kita (ayat 31). Amin gia la keleng ate doni enda kita, tapi Dibata tetap ngkelengi kita (ayat 32-33).

Penulaken bas geluh enda pasti nge pernah terjadi, tapi si erbanca kita la seri bagi doni enda, bas penulaken e harus tetap kita mengkoreksi dirinta gelah kita meteh uga kita baci itulak. Enda me tandana kita nggo jadi sikerangen Dibata. Dibata ngalo-ngalo siugapana pe kita. Kekurangenta, kelemahenta pasti iberekenNa man banta dalam guna banci meherga iakap doni enda kita. Penungkunenta gundari eme, uga caranta ngasup mabai ukuta tetap meherga i bas Dibata.

Dosa-dosanta bas doni enda, mabai kita nggeluh erdauhna ras Dibata, emaka tempat-tempa siakap lanai lit temanta, geluhta pe tempa-tempa seh kal meserana. Eme dalam-dalanna kita lanai ngkelengi geluhta. Arah kitab Perngandungen enda, arusna nggo terbeluh kita muat ukurta ras nggo baci kita mabai geluhta guna ersikapna i lebe-lebe Dibata. I bas kita ngakuken kesalahenta man Dibata, tentuna ialemiNa dosanta ras berekenNa man banta kerna kekelengen si mbelin. Me nggit nge kita? Jadi, ula pernah si akap kita nggeluh sisada bas doni enda, ula pernah kita lanai engkelengi kegeluhenta. Melala dalam Dibata engkelengi kita. Emaka labo lalap itulakNa kita. Erbage-bage persoalen kegeluhen enda, situhuna erbanca kita lanai nandai ise situhuna temanta si tuhu-tuhu. Teman si tuhu-tuhu e, emekap Dibata ngenca. Sabab IA ngenca ngasup ngaloken kita uga kita ras kegeluhenta erkiteken kekelengenNa.